

CYNGOR SIR CEREDIGION COUNTY COUNCIL

Adroddiad i'r: Cyngor

Dyddiad y Cyfarfod: 20^{fed} Ebrill 2023

Teitl: Rhestr Cydnabyddiaeth Ariannol i'r Aelodau ar gyfer 2023-2024

Pwrpas yr Adroddiad: Ystyried Adroddiad Blynyddol Panel Annibynnol Cymru ar Gydabyddiaeth Ariannol ar gyfer 2023-2024 a chymeradwyo Rhestr Cydnabyddiaeth Ariannol i'r Aelodau ar gyfer 2023-2024.

Er Penderfyniad

Portffolio Cabinet ac Aelod Cabinet: Y Cyngorydd Bryan Davies
Arweinydd y Cyngor ac Aelod Cabinet dros y Gwasanaethau Democraidd, Polisi a Pherfformiad, a Phobl a Threfniadaeth.

1. CYFLWYNIAD

Cyhoeddwyd Adroddiad Blynyddol Panel Annibynnol Cymru ar Gydabyddiaeth Ariannol ym mis Chwefror 2023, ac mae'n pennu lefel y gydnabyddiaeth ariannol sy'n daladwy i'r Aelodau yn 2023-2024. Mae copi o'r adroddiad ynghlwm er gwybodaeth (Atodiad B).

Mae'r adroddiad hwn yn cynnwys y cyfnod bwrdeistrefol o ddyddiad Cyfarfod Cyffredinol Blynyddol y Cyngor, h.y. 19^{eg} Mai 2023.

2. MATERION A GODWYD YN ADRODDIAD PANEL ANNIBYNNOL CYMRU AR GYDNABYDDIAETH ARIANNOL

Ychydig o benderfyniadau a wnaed gan Banel Annibynnol Cymru ar Gydabyddiaeth Ariannol yn Adroddiad Blynyddol eleni; nodir pob penderfyniad arall yn Adroddiad Blynyddol 2022 Panel Annibynnol Cymru ar Gydabyddiaeth Ariannol ac maent yn parhau'n ddilys a dylid eu cymhwyso.

Mae crynodeb o'r cyflogau a'r lwfansau perthnasol, yn unol â phenderfyniadau Panel Annibynnol Cymru ar Gydabyddiaeth Ariannol, wedi'i gynnwys yn y Rhestr Cydnabyddiaeth Ariannol i'r Aelodau sydd ynghlwm - Atodiad A (gweler Atodlen 1).

3. CYFLOGAU SYLFAENOL AC UWCH GYFLOGAU

Mae'r symiau sy'n daladwy fel Cyflogau Sylfaenol ac Uwch Gyflogau wedi'u nodi ac mae Panel Annibynnol Cymru ar Gydabyddiaeth Ariannol wedi penderfynu y dylai'r Cyflogau Sylfaenol sy'n daladwy ar gyfer 2023/2024 gynyddu i £17,600. Felly, y ffigurau a nodir yn Atodlen 1, Atodiad A fydd y symiau taladwy ar gyfer 2023/2024.

Mae Panel Annibynnol Cymru ar Gydabyddiaeth Ariannol wedi penderfynu y dylid cynyddu Uwch Gyflogau, fel a ganlyn:

- Cynnydd yn yr uwch-gyflogau Band 1 a Band 2 ar gyfer Arweinwyr, Dirprwy Arweinwyr ac Aelodau o'r Weithrediaeth;
- Cynnydd yn y cyflogau Band 3 ar gyfer Cadeiryddion y Pwyllgorau ac Arweinydd yr Wrthblaid.

Nid oes unrhyw newid yn y nifer uchaf o aelodau sy'n gymwys i gael Uwch Gyflog, h.y. 17 yw'r ffigwr o hyd.

4. CADEIRYDD AC IS-GADEIRYDD Y CYNGOR

Mae Panel Annibynnol Cymru ar Gydnabyddiaeth Ariannol wedi penderfynu ar gyfer 2023-2024 bod yn rhaid talu cyflog Band 3 o £26,400 i bennaeth dinesig h.y. Cadeirydd y Cyngor (pan fo'n cael ei dalu), a rhaid talu cyflog Band 5 o £21,340 i ddirprwy bennaeth dinesig h.y. Is-gadeirydd.

Bydd y Cadeirydd a'r Is-gadeirydd yn gymwys i hawlio costau teithio wrth gyflawni eu dyletswyddau dinesig.

5. AD-DALU COSTAU GOFAL A CHYMORTH PERSONOL

Atgoffir Aelodau eu bod yn gymwys i hawlio ad-daliad am gostau gofal a chymorth personol.

Mae Panel Annibynnol Cymru ar Gydnabyddiaeth Ariannol wedi penderfynu na fydd newid yn yr hyn y gellir ei ad-dalu o ran costau gofal a chymorth personol yn 2023-2024 – gweler Atodlen 1 am ragor o fanylion ar yr hyn y gellir hawlio amdano.

O ran y broses o gyhoeddi'r costau gofal a ad-dalwyd, mae'r Panel yn caniatáu i'r awdurdodau benderfynu sut mae'n cyhoeddi'r wybodaeth hon, hynny yw:

1. Cyhoeddi manylion y symiau a ad-dalwyd i Aelodau a enwyd; neu
2. Cyhoeddi cyfanswm y swm a ad-dalwyd gan yr awdurdod yn ystod y flwyddyn heb ei bennu'n benodol i unrhyw Aelod a enwyd.

Cytunodd y Cyngor yn 2017/18 ac yn y blynyddoedd wedi hynny i gyhoeddi cyfanswm y swm a ad-dalwyd gan yr awdurdod yn ystod y flwyddyn heb ei bennu'n benodol i unrhyw Aelod a enwyd **ac felly argymhellir y dylid parhau â'r un drefn ar gyfer 2023-2024.**

6. FFIOEDD AELODAU CYFETHOLEDIG

Mae Panel Annibynnol Cymru ar Gydnabyddiaeth Ariannol wedi penderfynu na fydd newid yn y symiau sy'n daladwy i aelodau cyfetholedig yn 2023-2024 – gweler Atodiad B am ragor o fanylion.

Gall y Cyngor benderfynu ar uchafswm y diwrnodau y gellir talu Aelodau Cyfetholedig amdanynt mewn blwyddyn. Ar gyfer y cyfnod rhwng 2014/15 a 2022/23 penderfynodd y Cyngor y byddai cyfyngiad yn cael ei gyflwyno a oedd yn cyfateb i uchafswm o 10 diwrnod llawn y flwyddyn ar gyfer pob pwyllgor y mae unigolyn wedi'i gyfethol iddo. **Argymhellir felly y dylid gosod yr un uchafswm o ddiwrnodau ar gyfer 2023-2024.**

7. DARPARIAETH BENSIYNAU

Mae Panel Annibynnol Cymru ar Gydabyddiaeth Ariannol wedi penderfynu y dylai'r hawl i ymuno â Chynllun Pensiwn Llywodraeth Leol fod yn berthnasol i holl Aelodau etholedig y Cyngor fel ag yr oedd yn flaenorol. Mae'r Cyngor eisoes yn caniatáu i'r Aelodau ymuno â'r Cynllun Pensiwn Llywodraeth Leol.

8. LWFANSAU TEITHIO, CYNHALIAETH A LLETY DROS NOS

Nid oes newidiadau arfaethedig o ran lwfansau neu drefniadau hawlio ar gyfer teithio, cynhaliaeth a llety dros nos.

9. RHESTR CYDNABYDDIAETH ARIANNOL I'R AELODAU

Rhaid i'r Awdurdod gadw Rhestr Cydnabyddiaeth Ariannol flynyddol i'r Aelodau, ac mae'r Rhestr arfaethedig ar gyfer 2023-2024 yn amgaaedig - Atodiad A.

Bydd unrhyw newidiadau a wneir yn dilyn cyfarfod y Cyngor a'r Cyfarfod Cyffredinol Blynyddol ar 19^{eg} Mai 2023 yn cael eu nodi cyn cyhoeddi a chyflwyno'r rhestr i Banel Annibynnol Cymru ar Gydabyddiaeth Ariannol.

10. CEFNOGAETH I AELODAU

Mae'r Panel wedi penderfynu y dylai pob awdurdod sicrhau, trwy ei Bwyllgor Gwasanaethau Democrataidd, bod ei holl aelodau'n cael cymaint o gymorth ag sy'n angenrheidiol i'w galluogi i gyflawni eu dyletswyddau'n effeithiol. Dylai pob aelod etholedig gael cyfleusterau ffôn, e-bost a rhyngwyd digonol i'w galluogi i gael mynediad electronig at wybodaeth briodol. Mae'r Panel wedi penderfynu y dylid rhoi cymorth o'r fath heb gostau i'r aelod unigol. Ni ddylai'r priod awdurdod ddidynnu symiau o gyflogau aelodau fel cyfraniad at y costau cymorth y mae'r awdurdod wedi penderfynu eu bod yn angenrheidiol ar gyfer effeithlonrwydd a/neu effeithiolrwydd aelodau.

Yn 2018/19, cymeradwyodd y Cyngor gynnig i gyflwyno cynllun lwfans misol o £10 y gellir optio i mewn iddo i dalu am gostau ffôn, band eang a phostio ar gyfer yr Aelodau. **Argymhellir bod y cynllun hwn - y gellir optio i mewn iddo - yn parhau yn 2023-2024.**

Dylid nodi hefyd fod Gwasanaeth Cwnsela'r Cyngor ar gael i'r Aelodau ers 2018/19.

12. RHESTR O'R TALIADAU A WNEIR I'R AELODAU A'R AELODAU CYFETHOLEDIG A ENWIR YN 2023-2024

Rhaid i'r Cyngor baratoi rhestr flynyddol o'r taliadau y mae'n bwriadu eu gwneud i'r Aelodau a'r Aelodau Cyfetholedig a enwir. Rhaid paratoi'r rhestr ddim hwyrach na phedair wythnos ar ôl Cyfarfod Blynyddol yr Awdurdod. Mae'r rhestr berthnasol ar gyfer 2023-2024 i'w gweld yn Atodlen 1, a bydd angen ei diweddarau yn dilyn y Cyfarfod Blynyddol ar 19^{ain} Mai 2023. Bydd y symiau a nodir yn y rhestr daliadau ar gyfer 2023-2024 yn adlewyrchu'r cyfraddau y cyfeirir atynt uchod.

13. DISGRESIWN

Pan gyhoeddir adroddiad blynyddol Panel Annibynnol Cymru ar Gydabyddiaeth Ariannol, rhaid i brif gynghorau gydymffurfio â'r gofynion statudol a gweithredu'r holl benderfyniadau perthnasol. Ar hyn o bryd nid oes opsiynau ar gael o ran lefelau cydnabyddiaeth prif gynghorau sy'n gofyn am benderfyniad gan y Cyngor. Ni ellir amrywio lefelau'r taliadau y mae gan Aelodau hawl iddynt drwy bleidlais prif gyngor.

Dim ond Aelod unigol all gyfathrebu'n ysgrifenedig â'r Swyddog Priodol (Swyddog Arweiniol Corfforaethol: Gwasanaethau Democrataidd) os yw'n dymuno, fel unigolyn, gwrthod y cyfan neu ran o'r taliad y mae ganddo hawl i'w gael.

14. PWYLLGOR GWASANAETHAU DEMOCRATAIDD

Ystyriwyd yr adroddiad drafft gan y Pwyllgor Gwasanaethau Democrataidd yn ei gyfarfod ar 24 Mawrth 2023 ac fe gytunwyd i argymhell y cynigion i'r Cyngor.

	A gwblhawyd Aseiad Effaith Integredig? Os na, nodwch pam	Nid oes angen un – nid yw'r adroddiad ynglŷn â newid mewn gwasanaeth.
Llesiant Cenedlaethau'r Dyfodol:	Crynodeb: Hirdymor: Integreiddio: Cydweithio: Cynnwys: Atal:	Amherthnasol Amherthnasol Amherthnasol Amherthnasol Amherthnasol

Argymhelliad/Argymhellion: Argymhellir bod y Cyngor yn nodu'r canlynol:

1. Talu'r Cyflogau Sylfaenol a'r Uwch Gyflogau yn unol â'r hyn a bennwyd gan Banel Annibynnol Cymru ar Gydabyddiaeth Ariannol, fel y nodir yn Atodlen 1, Atodiad A;
2. Talu'r Cyflogau Dinesig sy'n daladwy i Gadeirydd ac Is-gadeirydd y Cyngor, fel y nodir yn Atodlen 1, Atodiad A;
3. Y Rhestr sy'n dangos y taliadau eraill, fel y nodir yn Atodlen 1;

Argymhellir bod y Cyngor yn cymeradwyo'r canlynol:

1. Parhau â'r arfer presennol o beidio â thalu costau teithio wrth gyflawni dyletswyddau yn yr etholaeth;
2. Cymeradwyo bod y lwfansau teithio, cynhaliaeth, llety dros nos a pharcio ceir yn

2023/24 yn parhau ar yr un lefelau ag yr oeddent yn 2022/23;

- 3. Parhau â'r cynllun lwfans misol y gellir optio i mewn iddo gydag uchafswm o £10 i dalu am gostau ffôn, band eang a phostio;**
- 4. Adlewyrchu talu'r lwfans hwn yn y Datganiad Taliadau blynyddol a wneir i Aelodau;**
- 5. Talu ffioedd i Aelodau Cyfetholedig yn amodol ar uchafswm cyfwerth â 10 diwrnod llawn ar gyfer pob pwyllgor y cafodd unigolyn ei gyfethol iddo ar sail taliad hanner diwrnod neu ddiwrnod llawn;**
- 6. Parhau i gyhoeddi cyfanswm y swm a ad-dalwyd gan yr awdurdod yn ystod y flwyddyn heb ei bennu'n benodol i unrhyw Aelod a enwyd o ran y costau gofal a ad-dalwyd;**
- 7. Rhestr Cydnabyddiaeth Ariannol i'r Aelodau ar gyfer 2023-2024, yn amodol ar gynnwys unrhyw newidiadau y penderfyna'r Cyngor arnynt yn y cyfarfod hwn; ac**
- 8. Awdurdodi'r Swyddog Arweiniol Corfforaethol: Gwasanaethau Democrataidd i gynnwys unrhyw newidiadau cyn cyhoeddi'r ddogfen ar ôl y Cyfarfod Blynyddol sydd i'w gynnal ar 19^{ain} Mai 2023.**

Rheswm dros y penderfyniad: Er mwyn cymeradwyo Rhestr Cydnabyddiaeth Ariannol i'r Aelodau ar gyfer 2023-2024 fel sy'n ofynnol yn ôl deddfwriaeth.

Trosolwg a Chraffu: Amherthnasol

Fframwaith Polisi: Penderfyniadau Panel Annibynnol Cymru ar Gydabyddiaeth Ariannol; Cyfansoddiad y Cyngor

Blaenoriaethau Corfforaethol: Amherthnasol

Goblygiadau Cyllid a Chaffael: Goblygiadau ychwanegol ar y Gyllideb ar gyfer 2023-2024 o ganlyniad i gynnydd yn y cyflogau sylfaenol a'r uwch-gyflogau. Mae'r cynnydd wedi'i gynnwys yn y gyllideb a gymeradwywyd gan y Cyngor, 2^{il} Mawrth 2023.

Goblygiadau Cyfreithiol:	Dim
Goblygiadau Staffio:	Dim
Goblygiadau Eiddo/Asedau:	Dim
Risg/Risgiau:	Dim
Pwerau Statudol:	Mesur Llywodraeth Leol Cymru 2011 fel y'i diwygiwyd gan Adrannau 62 hyd 67, Deddf Llywodraeth Leol (Democratiaeth) (Cymru) 2013; Rheoliadau Panel Annibynnol Cymru ar Gydabyddiaeth Ariannol; Adroddiad Blynyddol Panel Annibynnol Cymru ar Gydabyddiaeth Ariannol dyddiedig Chwefror 2021; Deddf Llywodraeth Leol ac Etholiadau 2021.
Papurau Cefndir:	Adroddiad Blynyddol Panel Annibynnol Cymru ar Gydabyddiaeth Ariannol dyddiedig Chwefror 2022.
Atodiadau:	Atodiad A - Rhestr Cydnabyddiaeth Ariannol i'r Aelodau 2023-2024; Atodiad B – Adroddiad Blynyddol Panel Annibynnol Cymru ar Gydabyddiaeth Ariannol dyddiedig Chwefror 2023.
Swyddog Arweiniol Corfforaethol:	Lowri Edwards Swyddog Arweiniol Corfforaethol: Gwasanaethau Democrataidd (Pennaeth y Gwasanaethau Democrataidd)
Swyddog Adrodd:	Lowri Edwards
Dyddiad:	27 Mawrth 2023